

擇

石

齋

持

集

蘊石齋詩集卷第三十四

秀水

題劉文靖公屏山集

先生誠樂道抒寫何清雄蓋有用世才而多靜退風旣歸主  
冲佑遂自號病翁家園緬潭溪一十七年中蚤孤朱氏子灑  
掃及成童字之祝曾顏聖傳以無窮流涕表墓文老矣述先  
公莫報父與師尚難罄其衷

題馮少司農小影卷子

夢堂君自號聞聲年復年我年行六十相見各忻然宦遊早  
南國句在佳山川農官晚感知鵠立直

講筵小身偶倩寫見於梅花前數竿綠竹亞千尺喬松連照  
之水澄川仰焉月在天而人于其閒適與相周旋老來詩更

好清稟君獨全我且問梅花試茗分山泉

姚秋曹寓堂分賦之題曹中允盡賦之遂如數以

和而存其二

煮雪

可待消為水旋教試以茶山泉應不後煎茶水記雪水第二十一風味殆無

加折腳鑪燒葉穿心鑊沉花一甌春自暖簾外又蜂衙

堆雪

掃地番番積和冰疊疊寒先將高樹擁暫作假山看團起玉

獅子雕空火判官即非上元近竹爆劇生歡

題僧末聞為母櫛髮圖

墨者夷之厚葬親降衷厥有墨亦人治岐政遙老逮佛天若

收養四者民攜孤捨寺彼何好乞食聊活無家身告子雖如

劇畚頃與孃直是齋僧因有兒有兒髡則僧母坐背僧鬢如  
銀跪僧于後櫛母髮一梳半梳蕭蕭勻兒雖無髮母則真母  
尚有髮櫛且頻佛當見之笑不嗔是中有性繫大倫楊墨之  
歸皆可仁佛老之入初以貧焉得世無一兒貧在家奉母鬢  
髻新

飲蘇米齋是銷寒第三會以同人姓惟陸秋曹仄  
聲限陸字成五言仄體

凍雪緩驢車明燈喧竹屋才非大歷錢坐有東吳陸九九候  
占三林林香動谷諸君酒畔心遠與春相逐

集散木菴嚴侍讀已買得韋忠烈公兩玉印出觀  
復爲歌之

秦遊橐金歸豈多急此恐誤他人磨昨爲言之今已得激昂

使我成悲歌我歌直爲鞏永固我悲不獨鞏永固茫茫天地  
忠義人舊物流傳孰如故大江月照揚州城中有樂安玉印  
明明年君歸攜此行兩印百年猶在京問何去去江南程玉  
雖有字曾無聲願君與購貴主印後先漂轉重合并香檀作  
匣蓋刻銘志趣差同號與名夫婦于人本不輕况其家國關  
死生

雪夜集陸秋官冗寄廬出觀文裕公玉舜詩墨蹟  
卷疊至累十自玉舜白槿花也公題之爲玉舜云  
遂次韻

本來佩玉比同車欲賦翻愁鬢已華君子國方明夜雪山香  
曲任墜秋霞侍郎斐句珠連琲憲部蕭窻月照沙榮落雖齊  
顏狀別孟姜應不讓無瑕

癸巳

端範堂賦

齋宿更番夢亦安迎春卽漸氣猶寒掃除齋院供連步裁翳  
花林待好看天意屢豐重降雪

聖人元日又升

壇捷書樓指來巴徼凱入都城萬井歡

散木菴茶話

菴前有木木無陰木上惟聞啄木音人日敬之逢國忌天風  
聊以盍朋簪昭文鼓亦龍鍾罷定武瓷還雀舌斟排日看春  
春是閏三旬不換億黃金

題程選部三長物齋

三長物者懷仁集石筆書宋榻本吾郡項子京所合藏蘇文忠東井觀明魚燕龍香

御墨及羅小華以後諸家所造墨

借宅朱公豈定居

君房師今安徽朱學使

笑人題額照春初田園別後黃

金盡科第成來白髮疎六尺簞旁真富有五經笥外太紛如

愁他硯墨隨佳刻只是先生不善書

上元夜集曹中允齋

深坐屏山看掩扉紅燈也自護芳菲不教剪剪風頻起渾忘  
團團月稍微羣戲兒猶搗鼓去小家女定走橋歸昇平博得  
衰年樂已換淋漓舊酒衣

集姚秋曹寓堂

小南城近數歸鴉白玉池迴遣駐車官裏光陰閒幾輩臘前  
風雪醉君家游韉覓其春天句畫榼看多閨月花為樂及時  
聞自古卽非秉燭本無涯

題吳州牧瑛蘇門

聽泉圖

畫時為所碑書院院長

颯颯天風吹嘯臺猗猗修竹入雲栽百門泉落層峯遶安樂  
窩臨獨客來洛下臯比分講席江南桑苧試茶杯冥心直會  
超然意阮籍何嘗是僞才

花朝雪集蘇米齋限雪字

御園暴直散海定朋尊設已向作花朝且當賞春雪

先飲于雪堂小獸

重城鞭馬遲晚巷投君切何以近招邀于焉復羅列閩將三  
月埃嘿對百花說風淺差不寒雪輕頗相潔夜景接碧虛簾  
端罷飄瞥此時沙水閒遍有草芽茁

次韻馮少司農舊養盆梅初花

不記唐花隔歲因未枯今是適然身也蒙水澤多加意纔及  
陽和自見真林外分明入窻月座閒老大出山人石臺風峭  
凌晨供博得誰來句更新



次韻馮少司農春雪

天知春閨尙多雪  
人伴老梅方好顏  
麥隴况催民氣樂  
草堂翻肯酒尊慳  
東風鄰巷白猶白  
南淀水雲斑  
復斑贏得鳳城傳  
句入玉花不謂此翁寒

送張太守鳳孫之任滇南

同徵好夜會三人  
中光祿指同太守飲  
難得雙燈照百巡  
白石青松商結夏  
碧雞金馬又班春  
詩歌早已通于政  
禮教仍煩及我民  
山色范村多老計  
有漁航處可垂綸

清明後一日蔣少司農招集文肅公賜第北臺馮

少司農有望積水潭一帶柳色之作次其韻

似我何由鬢雪銷  
看伊臨水又垂條  
山光城上愁風雨  
人影欄前泥管簫  
高會也知三月僅  
故情難忘十年饒  
不須跨馬

穿陰去更遣嘶風陽絮馬

飲馮少司農檀藥草堂前海棠下賦

丁子香中傍碧紗川紅名好屬君家非關老去耽于酒直爲  
年來對此花半樹夕陽憐不足滿庭朝雨晝無加相畱只合  
停歸騎點與銀燈坐影斜

沈太守維基寓居法源寺招看海棠飲其齋

官冷惟誇與寺鄰君來也得及花辰算將四紀曾同榜話若  
三生豈後身夢裏浙西山不斷佛前薊北酒還頻何妨白髮  
臙脂朶朶摘相看插鬢新

城南修禊詩二首

右安近可出緩轡輪無馳我亦信所如僕猶問何之豈曰汎  
流水祓除重及茲煙垆被宿雨村落明芳蕤草橋瀉萬泉上

下深于陂疏鑿蒙

帝力來觀方得知職閒性頗適歲登物各嬉因是向春風手

拳莫誰貽

周甲已踰六閏三月四經

生康熙戊子九月是歲閏三月

柳陰望南岸禊事在

西冷

丙寅閏三月三日杭人遊集西湖效蘭亭體賦詩

勿勿廿幾春閏三語復聆請孫幼隨

侍成此兩鬢星小水碧多光遙山煖欲冥乃瞻翁家歸不使

越酒停時序皆足欣非徒忘其形好風一客醉雜坐羣公醒

曹少卿學閔招看法源寺海棠設齋晚過徐太守

良寮西寓居飲

紅棠西寺好枝柯日日來看不厭多春色况于光祿最花陰  
其奈太常何有情菩薩暫持戒落日接離仍唱歌匝如巢  
問徐老頻年此地即行窩

奉題座主贈尚書鄒公爲侍御夢阜山水小幅遺

墨

祝

釐赴闕乍踰冬八十七翁新病容歸好緩移春水舫夢長  
俄破曉天鐘畫畱同姓臨分頃哭憶先師閒出蹤無錫山光  
孳樽榼幾時淚灑墓門松

同人法源寺分詠得海棠

花卽扉頻叩春曾句幾傳佛香深與染人意老爲顛碧蘇齊  
鋪院高槐半舉煙如何禁愛惜落片到闌前

靜宜園曉直飯于馮少司農山舍

沿山急雨天光澹策馬長風樹影疎瑣闥翠微人立迥綠垣  
紅萼鳥飛初廊陰滴響寒生體磴道穿流溼在裾有頃巖凹

趨且散炊煙一縷問村居

送別嚴侍讀長明

閨春春駐又闌春踽踽憂歸問去津掌誥十年曾不達收書  
萬卷竟非貧心依屋角鍾山老手種墳頭柏樹新文會城南  
猶寡侶奈何先托寄將頻

質郡王畫綠牡丹并題陳秋曹朗持示屬次韻題

三十三天天蔚藍一枝初翦許人看郭崇矩寄畫翦牡丹本來歐碧壓  
艷何似靸紅當峭寒西苑露光南苑露金鈎欄影玉鈎欄都  
綠供作昇平曲於幅之上方並得瞻諸皇子皇孫所題花外新絃不住彈

右安門外小圃偕程選部翁學使曹中允

歡言出西郭移目獨相違露晚蘭叢敗風池藕葉稀是情皆  
近幻何化不終歸柳上蟬初蛻催人著紵衣時余第五孫晉初天甫論句

哭第五孫

十八回圓月天青月又斜玉環呼乳母便即返羊家

善初天以四月廿三

日明夕夢子其兄云去李家也

蔣農部榮昌招入法源寺避暑設齋

雙樹畫生陰名流坐向深外閒河朔讌此味涅槃心老蘇穿  
牆水微颺下砌禽同龕彌勒可笑我已無今

圖塞里學士野圃同程選部翁學使曹參議

又築平臺接小樓天青目極使銷憂開河乍下諸山水殫穀  
齊登兩岸秋蘚壁有題行且讀松醪能醉臥還酬轆轤汲井  
添方沼難得蓮花已過頭

為陳秋曹朗題其曾祖虞山逸叟澳湘江圖粉本

畫稿橫看丈二餘百年神物何蕭疎長沙城西雪後雪回雁

峯陰漁父漁老墨盡圖水經注寒林舊在虞山居爲告賢孫  
王繹語宣和似此也嘗儲

再哭善初

病多亦復起連番隔牖常時與笑喧仙李不知居某郡石麟  
須記是吾孫庸醫既誤難追咎老淚雖乾尙忍言歷夏盡秋  
詩思斷世閒安得少煩冤

內閣曉坐

簾靜初陽透爐温側坐深臣難浩然氣

上有一哉心乾隆九年賜朝和元氣四字額懸于堂擬票批紅掌參知鑷白臨被蒙

何以報豈敢戀華簪

甲午

奉題 質郡王畫卷

涼生風落石庭虛靜寄軒中滌硯初衆史俱來圖十二天機  
獨造致清疎早聞設有嘉賓禮比想藏多善本書老樹臨江  
遠山隔當年嬾瓊意何如

小庭桃樹作花翁編修方綱朱編修篤曹贊善仁  
虎程選部晉芳姚秋曹衍過飲翁編修有詩並及  
余正月以來爲丁辛老屋厚石齋編次遺集奉答

二首

忽忽春正罷客杯家山人急訃音來從叔祖太傅公以正月七日薨于里第已教淚  
眼兼旬溼何取花枝滿院開生理自尋還共對韶光相借亦  
頻催榆錢柳絮城門外又見清明上塚回  
桃樹出牆秋復春春風吹老種桃身孤燈幾夜看遺稿小縣  
當年有俊人癡絕尙奢千古望落然誰了一生因神仙官府



文章伯爛醉花陰始是真

劉文正公挽詞二首

乙巳迴思切迢遙仰止崇南歸家太傅冬夜說明公教習壬申見編摩丙戌充本朝文獻續所考詎能同

內閣纔趨直中堂數與言寧須到衣食頗已及兒孫一旦超然返千秋大者存哭私吾豈敢寂莫向乾坤

清明後四日蔣少司農招集北臺感懷劉文定公

裴文達公

依然隄樹遶臺新笑我鬢端作酒人去歲簪裾儼分坐今朝心眼豈迷因黃梁熟後難重夢杜宇啼來又一春僥倖天公乞斜照有花枝處便鋪茵

翁編修方綱購得吳興施元之吳郡顧景蕃註東

坡先生詩宋槧本卽宋中丞得之常熟毛氏者屬

題二首

嘉泰蘇詩缺未湮商邱補注刻重新頭銜在昔雖嘗轉元之子宿增注

而刻面目于今已不真天地閒元惜殘本慈仁寺復購良因

于慈仁寺辨杜韓脫落由來事憑仗歐陽亦仗陳

借瓶還瓶子與吾家做籠不曾無攜將山谷任天社伴以

荆公李雁湖斐几崢嶸三鼎足草堂磊落一書厨人間若有

斜川集更欲題詩相笑娛

草橋修禊詩十二首

仍煩擊楫與提壺天又無風淨綠蕪敢道杖鄉行杖國今朝

真箇短筇扶

新衣早起 殘前除昨夜商量正不疎一輛諸孫難雜坐借車

先乞老尙書無錫橋先生借一車

相喚相磨各為春豐宜十里百花新老懷無藉今年甚也著

工夫學晉人

迴塘上下引泉遙錫擔元君廟口簫新柳東西分岸種人來

萬福寺前橋

拍岸春波撥刺開樹頭新雨故飛迴韶華本是昇平景魚鳥

猶知繪畫來

嫩綠高圍午散陰中央薜地直煙濤花師卻也堪人意放席

非遙煖酒深朱竹君編修使村之種花者供左右

洛溪風光百福宜朝賢談論一村奇春陰且不匆匆雨好事

多于恰恰時

披拂長條映照花諸郎列侍有諸家不辭岸幘天風起他日

憑將此會誇

右安門近藝香稠村不畱人客自遊但結玩芳亭子佳可無

鄰曲趙參謀

丁香院落酒重行馨折舟旋倚少卿晚雨儘停深巷騎翁家

不負去年情

歸飲子曹慕堂太僕即

城上西山笑客曾笑余禊飲太嘗騰曹家酒似翁家醉明歲

誰家錢更勝

有限春心不盡刪老頗何苦鬢雙斑文章華國須公等絳蠟

分明四座閒

座有紀真嵐陸耳山兩侍讀為四庫全書總纂翁覃溪朱竹君林子宜三編修姚姬川程魚門任子田三部曹周曹倉進士皆四庫全書纂修

曉入法源寺看海棠

高閣西頭行復行叢枝繁萼照檐明夜來蝴蝶尙畱夢院外

鞭轡方轉聲何似錦官加漠漠祇愁天女竝盈盈青蕪一片

紅陰動老我猶難欠此情

徐太守良寓居法源寺西院五年昨扶病南歸今晨入寺海棠已謝復至其處感賦

歲歲看花愁不寤時時訪友病今歸安驅大路風鳴驛久住  
空房日隱扉素髮丹顏終再見江干海角孰相依紅棠滿地  
難輕蹋老鶴投林只自飛

穉石齋詩集卷第三十五

秀水 錢 載 坤 一

朱編修筠招同人看呂家紫藤花卽飲花下爲作

歌

學使脚踢黃山歸江南眼飽芳菲非祇無后土麗姝下何有  
 給孤狂蔓圍依然剝啄街東扉藤陰蝴蝶堂前飛甲申之三  
 丁亥六錦箋斑管人都非君兩度招看此花前限三字後限六字賦詩甲申  
 之會劉侍郎開三注選部厚石俱逝矣而趙舍人藤花勿愁今日錯藤花且畱明日落彩  
 翠懸羽千流蘇光明寶珠萬瓔珞帽簷儘知香漠漠簾額已  
 辭寒薄薄名流跌宕衰態俱宏獎恢張盛筵託青天深覆高  
 枝柯華燈上照新綺羅喜君徑爲花底飲勸我續作花閒歌  
 春晝自長春夜短先生未老門生多門生列坐酒行多漏沈

沈分奈花何

城南餞春四首 并序

出永定門十里登土山上野亭于以延眺于以餞春斜日迴  
車僕夫攜酒憇飲于何氏丙舍期我同人者朱編修竹君三  
月廿四是為甲午之春盡日

鞭牛京尹乍趨埃韋曲林園幾門杯芳草落花都不管始從芳草去又

是落花回長沙岑神師語登山臨水卻重來銷魂記室從頭寫刻意司勳滿

手裁我欲贈之何以贈采香人未上豐臺

無限低回悵望中闕于亭角寂寥空黃梅子定江南雨苦棟

花真廿四風後夜月明千里隔故人頭白一心同更番正復

年年事未免東流只向東

蕭蕭東風儼上征故應雲葢導幡旌天皇大帝居高理大皞

勾芒報政成細甚驚花判昔夢紛然兒女奈今情車輪四角  
方蹄馬算與春牽總不明

斜日急風猶自寒煙垆草舍儘教寬何人不感周家柏此曲  
終憑張女彈竹葉飛騰金棧凸楊花嬾困雪毬團誠知春好  
元相繫豈忘愁來遂有端

諸君約遊豐臺看芍藥以直不赴賦簡

老去春歸當夢看袂衣輕暖又輕寒省中獨坐槐陰靜城外  
相思露色溥上客綺筵銀鑿落舊家瑤樹碧欄干晚風十里  
鞭梢躡欲別穠香可是難

黃文節公小像

銀河飛落三千尺古潭噴薄盤陀石翠壁交撐陰黯淡丹楓  
倒挂秋蕭撼兀坐西江詩派祖烏帽方袍手提塵我所思兮



王右丞誰其畫者李晞古元豐之年此獲祥太和之令初顏  
顏公行及強面非瘦唐也甫壯筆已蒼

李唐建炎間授成忠郎年近八  
十文節元豐三年遊廬山方任

入時人眼公面頗遭俗人惱

牛往嘗寫伯時努力何因食細草不如畱此終讀書太白聞

之為絕倒屏風高張玉叉孤布水不響游氛無我今蘸墨為

公起題作廬山觀瀑圖

固節驛晚發

君恩又長鹿鳴筵搥鼓章江渡口船畿縣黍梁行款矣使臣

鬢鬢大蕭然紆迴永念平生事悲苦空尋廿八年只有西山

青似舊見公攬轡與周旋

丁卯正月先大夫棄諸孤百日後不孝輩貧不能  
居入京師六月從叔祖文端公奉

命典江西

試遂攜策至  
豫章而還浙

傳舍

傳舍何年定，遷廬一夢煩。  
迢遙仍此路，寂寞莫其誰。  
言楊柳風中騎，琉璃水上村。  
早蟬鳴復噪，未解我思存。

槐花

刺眼傷心樹，奈何高天落日爲公歌。  
槐花歲更官街植，舉子身曾驛馬馱。  
驟雨征衣零葉糝，新涼旅館碎陰羅。  
素冠沉對離家乍，紅蠟偏聞苦語多。

甘露寺

瞻嚙

紫宮左泉深，陂且長雙槐。人門占一夜，近霄涼。  
父老團村社，春秋拜藥王。最先驅沴氣，不待飲甘漿。

雄縣店是文端公丁卯典試江西宿處

宛見長廊晚都關短楫遲橫流陸程改小歇暑庭隨天壤無  
涯慕山河有定悲不須難就寢儻值夢來時

汶上

浩浩塵千里飄飄髮一簪東阿山翠老舊縣昨宵陰店小人  
重宿蟬涼樹自吟汶流南與北可道兩般深

三謁孟子廟

從祖攜來謁悠悠竟暮年井流清有月柏蔭翠多煙夫子道  
終古嶧山秋肅然談王于霸後救過侯夫天

夜行將至柳前作

柳前跋馬經三度雨後題詩剩一心滕縣南來衆山靜徐州  
東下大河深浮生那必關天地轉瞬真憐卽古今明月落將  
滄海外暫教不見鬢毛侵

高粱詞

徐州夾溝螞蚱飛不食豆偏食我高粱  
苻離淹我黃水黃上頭急開滾水  
浪滾水入野勢更長嗟嗟高粱高粱  
難爲官亦見我在道旁

濠梁驛宿乙酉典試江南宿處

淮上是誰家新涼俯北涯  
風迴嚙城水草長泊檣沙屋樣年  
曾記檐端月不賒一尊來縣尹  
京邸話何嘉驛今屬鳳陽廣西  
十生萬培介此

紅心驛哭文端公二首

丁卯王程喚我隨後來  
乙酉奉公詩清淮老柳今還值  
天上人間已獨悲  
步步經由曾不夢  
心心教督更無師  
滂沱老淚欹斜墨  
薜壁能勝盡灑之

公今碧落我塵埃  
白髮秋風轉益哀  
一字何從行述改  
半年

猶欠輓詞裁  
媿于往哲無  
傳筆敢以征  
途有薦杯省  
臺幸蒙旬日  
假帷前拜像  
見歸來行去

定遠

鄉居魯子敬  
流寓尉遲恭  
高下岡原勢  
疎蕪草木容  
侯王如有種  
戰陣乃多庸  
明郭子興李善長沐英吳良馮國用胡海藍王傑張鈿楊國興諸武者多出定遠  
好在槎枒翠  
秋來淡不濃

宿舒城

再到朱公治  
長懷母氏恩  
愛之嚴幼日  
鞠我力衰門  
月靜婆留語  
風來主簿原  
吹他三堰水  
并作淚潺湲

次北峽關觀文端公所留秋日山行作墨蹟軸感

賦

舒城曉別向桐城  
邈迤青山入曲行人被

主恩如問舊地畱公蹟孰尸盟羊曇只解生存處杜甫猶關  
寂莫名天路迢迢須整轡白頭小子白崢嶸

近青山驛沿潛山麓三十里入山谷尋石牛天已  
昏黑小吏云在隔水草中同遊者蕭檢討廣運

名山僧旣占名人來借山其人悲且傑專已性若慳不與古  
雷同獨闢天地閒時賢遂和之文字娛其閒今朝客此借實  
爲雙井謾涉水歷村落行田越岡巒無雨風故涼有雲日已  
殘登頓再三云導之徑右盤如洞巨石疊是泐微泉乾腳踏  
諸公題天影俯徒觀老僧吹細火小吏指荒菅調牛伏于彼  
我亦舍之還皖公峭且排鐵色石不頑嶢嶢而崩劣頗亦藏  
神姦好奇酷搜趾必欲驚塵顏豈知泐秀靈去落龍眠彎才  
人寂寞懷寄托非所艱造物輒聽之傳會憑存刪縣中迎炬

遙露葉穿沙灣堤上簇馬遲長橋出重灘

登東山寺

馮茂山頭寺黃梅驛裏人笏與京重露苔磴曠無鄰已了栽  
松事難空借宿因有情天地大俱是幻泡身

渡潯陽江追和文端公庚午再典江西試還朝

渡此闕京兆題名錄知載被放賦寄韻

微倖如公自九天竭來步步見因緣心依兜率初歸上淚落  
匡廬晚照邊失路儒生通繫念無家族子輒蒙篇皇華此日  
成私感錢後諸人爲其傳

重遊東林寺王文成公次邵二泉韻詩已刻石墨  
蹟壁已壞寺僧出觀文端公丁卯次韻詩庚午再  
過所錄碧戲因取畫蓮幅寫了卯同作詩于上付

之再用韻

山遊何用傳詩草豈謂山靈盡知好十八高賢久已非疎林  
只待秋霜老武夷君唱人閒哀姚江節鉞章江開壁閒墨寶  
成終壞門外錢生去復來香爐之峯頻矯首嘗其茶甌不同  
酒風雨劫外公當仙廿八年前吾已朽殘僧兩三立荒庭藕  
葉出花如江汀匡君畱與山匡姓任爾匡山青不青

過西林寺

東林樹尙深綠馬馬亦涼西林樹甚疎種稻稻已黃西寺較  
東寺獨立寶塔長東僧讓西僧未老蒼毛蒼廚炊本兩家禮  
誦分兩堂檀纒一秋塢芙蓉一佛香中間指一突日落慧遠  
藏似有蟪蛄鳴寂莫不可當我身山之陰我心山之陽

題南浦驛館後臥桑



矮山圍屋斷檐豁桑枝壓檐瓦松活百年夜黑雷以風株仆  
 餘撐根不拔橫庭塞砌落其黃丈餘身老貼地長鴉音突來  
 鳩羽去鐵骨自壽苔皮蒼有三別樹藤葛纏皆過桑枝高出  
 榜所難挺立乃羸臥豈曰天乎非性然引泉溉之起堡護館  
 人館人荒穢除會須愛惜散材閒那比扶持大廈具

楊柳津

山翠積南康秋更出建昌沙平隨燭影水動見星光敗艇便  
 于習生衣健在涼鷺營荷處宿我欲種垂楊飛來幾點鷺紛紛雪問取  
 皆云楊柳津丁卯渡此

至南昌館于百花洲上

江城山見水周林曲榭長橋趁碧潯此地重來如破夢當年  
 其話有知音感德憲  
 金先生欄前風露添荷氣眼外徐蘇柳陰行路

不勞偏小病紛吾塵事怯關心

西江試院雙桂歌

百千枝青萬萼黃南昌郡中深院香西階葉暗東階倍桂之  
樹兮出檐長丁卯文端公手植二十八年載斯卽徽幸蒙  
恩也北來從容取士仍南國嗟公挈我遊是邦廬山移樹踰  
章江公歸家居桂長大風高月滿今當牕公乎逝矣我重見  
見樹思公淚如霰荆合齋遙空所瞻奎宿堂清那不戀森然  
雲挺記吾家十丈扶疎雙蔭嘉正煩冰雪經呵護自與文章  
閱歲華

東齋夜起

月影中庭直燈光四壁清幾宵難獨坐雙眼有諸生親老何  
他望門寒不一情斯文先德行

上帝已權衡

別雙桂

踰月蒙高蔭兼旬領細香壁奎聯衆宿左右在斯堂小子來  
何暮先公樹不忘酒澆曾與祝金粟表南疆

百花洲燕席感賦二首

野萃聽後仗羣賢好我如何卻此筵扇影衫痕秋水柳絲  
荷蓋夜燈前亦知馬祖難成佛誰信文簫易得仙鱸取湖中  
魚味美深杯儘耐百分傳

卯歲庚年又九秋攬瑜舞遍只芳洲

君恩實有臣家事四座翻催一客愁天上公歸星緯爛漢南  
樹老露華流酒悲已被哀絃覺詩好仍煩素壁西

丁卯庚午文端公兩燕百花洲

皆有詩刻于壁

舟發南昌

滕王閣下江驚眠東北風大秋無邊不住而住一宵雨可行

則行三板船村村碧樹溼濃淡岸岸虛沙黃斷連未得佛家

高檻凭舊情其敢付茫然丁卯秋夜隨文瑞公陪馮侍御金學使彭方伯登北兩寺之秋屏閣並有詩云沙軟江斜竹遶青夜

遙相喚入柳局燭光林影影起露氣蟲聲落桂落朱閣從容秋士展碧霄清切使臣星待懸曉日關干上看盡西山十二屏今登閣者誰載在矣

餘干

彭蠡之上游趨越水方西渺想萬春山城豈白雲齊迴瞻羊

角峯前指弋陽溪琵琶洲如何沙淺略可稽彼美胡先生講

道清蒿藜拜墓不果酌安樂鄉難躋側聞松柏行鬱鬱相高

低

雲錦溪寫望

溪雲散無際古堞朝暉餘迴見西北岑不知誰讀書其陽半

林麓焉得水木居歌詩到虞揭主客一蕭疎秋容澹若此畫  
勝方壺初

薌溪詞

西流欲千里中有龍虎蹲三十二福地乃居留侯孫西江多  
道家靈蹟往往存山水使之然儒者亦具論落落白石閒青  
青長松根我其成獨寐并忘歌與言奈何張伯雨不及虞道  
園采采鬱金香中洲鷺飛翻

船緩

船緩溪三折城寒石四遭緯夫沙上遠城舍樹陰高黃溪城之隔溪皆石道也

石阻

石阻溪迴雪激湍一重灘作兩重灘可憐碧玉瀟瀟響幾下

灘門上便難

水碓

車輪轉不歇鴉背啄不停廿年塵滾滾那不變都星

弋陽歌

人家弋江北縣小城生煙若復問葛陽猶當說孫權驅峯又  
連峯蒼紫不可數窈窕曳秋雲峻嶒濯秋露迴風午送涼驟  
雨晚生暖鳥下弋陽溪人來弋陽館辛苦弋陽人寶祐在丙  
辰

宿弋江東

纔離弋陽城灣灣泊已成船人黑相語岸火細多生上水鄉  
心急連宵野夢清新腔絃拉雜宛是海鹽聲

竹筏歌

竹筏如梭點竹篙鷓鴣拍翅下銀濤棕衣絕不簔衣破趁水

兼他趁雨豪

灘行雨點不止望南岸諸峯斷續

遠與弋江別饒江猶在東  
稀疎仍瑟颯歷落太溟濛  
身入秋雲裏船行畫卷中  
相思不相見比似隔簾櫳

過弋陽六七十里感賦五首

一段一灣碧玉春千朵金蓉新  
天公大不輕兒戲著此

溪山實賺人

雨溼溪容茶竈前  
雨飛峯翠酒杯邊  
昔來大叫增狂劇  
今亦

相看欲少年

船頭久立晚煙橫  
拚與諸峯一盡情  
弋字涯東聯句處  
灘聲

已是斷腸聲

丁卯隨文端公灘行遺浙聯句

昨日晴風今雨風  
風行風止我方東  
天恩特地重經此山

迥溪長一哭公

未必名山盡解愁人生難得國恩酬清灘自把工夫惜只  
趁來風不住流

小泊作碧灘歌二首

碧灘如玉更如苔山色歌聲天影開唱得權郎風水便這回  
去又那回來

碧灘碧灘溪盡通溪月溪花出釣篷嫁箇溪娃溪裏住不教  
乘水復乘風灘舟都不使女子

將至鉛山

諸城皆北列鉛山獨南置溪駛山復高嘗聞全相寺稼軒遺  
舊祠疊山集同志空聲出宵分暗響及臥次三更逾悲悽一  
寺盡詫異謝公起而言是乃辛公至枋得見君父當雪平生



事秉燭遂作文旦則祭于位忠獻與鄂王舉以匹忠義此事  
傳有無望望感所值霏霏雨不開漠漠煙如寐何處渺鵝湖  
三峯鬱然翠

廣信舟中曉起

霽色推蓬遠芙蓉照好顏水歸彭蠡水山似浙江山寒欲催  
秋盡鄉真數日還何如陸鴻漸采摘翠微閒

寄溪

歸路輕千里愁心過百灘仲長元占樂鮑照未云難雨止碧  
山溼村深紅樹寒船家爲酤酒我又醉無端

堯石齋詩集卷第三十五

蘅石齋詩集卷第三十六

秀水 錢載 坤一

將至衢州

草坪人已返直放下灘船老識三义路重逢十月天溪寒茶  
味澹山靜橘香鮮未必無童子棋聲落照邊

看采橘

葉綠紅藏顛枝繁重壓極頭頭籠上聲勻滿面面墮高斜婦  
女攜還立兒童拾又譁東西山兩岸客舫正依沙

岸岸

岸岸橘枝攀村村柏葉殷衢州人自好秀水我應還清氣天  
臨地遠情江送山船牕一無事目極不知閒

龍邱歌

漢有賢兮龍印莫不仕莽兮卹是藏會稽候吏道相望邱九  
石兮芙蓉青二百里兮桐江激君之我友嚴子陵

柏子歌

紅樹樹江漪漪寒風厲實藥藥采而治之宵有燿越之葛吳  
之桑柏之光于廟堂郊壇升兮大饗張龍虎銚兮壽而康貴  
人誰家少明月明月落兮蘭膏發綺筵珠翠光流髮書生不  
得甕牖空螢火不及績婦功菜油酸兮家家同

下灘歌

上灘固不易下灘豈不難待得上船盡方得下船安下况逆  
風上順風帆帆逼來飽張弓輕猶輓前纜費手重翻推後篙  
加工下船尤難亦非一前衝後撞那齊出祇論前後無重輕  
最在疾徐有凶吉前船俱下下我船尺水送勢爲平川船人

小心敢孟浪下灘上灘都怕先

後下灘歌

一船去一船來灘濶水寬船兩開上灘船浮若鳧下灘船飛  
若梭船子快意各不歌浙江之灘本平易多船少船乃相異  
頃者云難姑且實船頭遠山眉翠低船尾鈎月搖玻璃來船  
今夜泊何處我船明日到蘭溪

舟中曉起

山淡旭光出水寒煙氣蒸倚篷忘盥漱緣岸信呼磨昨夜溼  
紅樹初冬荒碧塍比牛人太早對客飯何曾

迴憶

迴憶灘行好西江又浙江一般山黛色千里權歌腔住合仙  
家徧觀如畫卷雙青帶溪上女生小在名邦

語船人

逢牕寒日爭一線諺曰歸心急如箭病緣柔艣數讓能謬坐  
高灘獨虞變雖然當急復可緩我既分明爾方便左盼若已  
嚴州城東馳且謾桐廬縣江山錦繡世多有吳越中間孰此  
先昔者夜過七里灘譬之未識廬山面當春何必大嶺畫蘭  
亭所難真本見入瀧略爲相徘徊認水須知亦洄漩漢時嚴  
先生頗住宋代謝參軍且盼百年那得佳處托二臺不恡幽  
人擅崖高只叫畫看鳥日冷不飛青葉片潮聲折來是家江  
忍性從而安筆硯

灘阻

青嶂白雲嬌碧江紅樹妍不因灘勢阻自著客情牽風雨拋  
雙展圖書伴一船相留莫歸去望望近鄉天

一灣

一灣復一灣  
面面好青山  
天每多情厚  
人應寡務閒  
炊煙起  
楓塢漁唱返  
柴關曩哲思  
不得遂歸圖  
畫閒

題嚴州山

始信黃公望  
虞山久不歸  
營邱借北苑  
夕翠與朝霏  
黃鶴樵  
人舍梅花衲  
子衣荆蠻  
竝吳下謝客  
自清暉

龍中不泊

初月一彎  
照兩崖千尺  
陰江流寒轉  
碧夜氣清何  
深天高星  
炯炯火遠樹  
森森倚檣猶  
獨立對酒聊  
孤斟所思不  
可作在  
昔有知音

桐江

富春山下  
夢錢塘江上  
潮竹枝將曲  
怨楓葉似花  
飄片帆輕

又重初寒暮復朝  
桐君舊相見鬢絲未凋

富春江

山嫩江逾碧  
江碧山盡春  
一帶縈紆轉  
兩行窈窕陳  
青松頂有鸞紅樹  
林無塵  
潮上水平鏡  
潮來波縐鱗  
遠岸低曳煙  
深塢靜隔鄰  
灘聲且搗楮  
峯影獨垂綸  
若種富春田  
只作富春人

富陽

孫家墓錢家江  
計年春後夢十八鯉魚雙

江干之夢戊午夏月也記  
桐江歸舟絕句云九川灣

裏雨蒸苗開閣蛙聲欲上潮不忘  
故人和送錢湘花紅過戴家橋

過杭州未得至西湖

江上望知湖上山西湖城不夜  
留關好春四度翠華後  
行殿兩峯丹照閒舊日酒樓堤上起  
幾人詩舫月中還王程

促迫遊情減儻著垂楊伴老顏

到家作四首

豫章趨浙路非賒實荷

皇恩感復嗟白髮爲官長戀

闕青山省墓暫還家先公舊

種多梅樹老圃全荒有鮮花同塾諸郎聞已盡比鄰翁媪訪

應差

久失東牆綠萼梅西牆雙桂一風摧兒時我母教兒地母若

知兒望母來三十四年何限罪百千萬念不如灰曝簷破襖

猶藏篋明日焚黃祇益哀

兩弟前亡庶母徂後堂步步哭嗚嗚冬寒已卜先邱葬日晏

難炊寡婦廚范氏義莊焉得置藍田鄉約未能渝高桐葉落

蕭蕭響屋漏神明勉是圖



七十猶慳謾畏寒 國恩深被報誠難  
老妻京邸兒孫領家子鄉園幼小團  
來歲西偏仍補竹及時南向遍培蘭  
太常侍御傳忠孝不獨龐公一字安

祭何公墓

德政鄉非遠何家橋獨存荒邱籠翠篠  
片碣照初暎易姓難忘自同宗實有原  
趙鄰四百載守墓鬱成村

墓在德政鄉舊所傳甘泉鄉者訛蓋德政與甘

泉相接也何與錢同出於高陽氏之後曰陸終

祭孝廉金先生暨元配馬孀人厝所

哭寢遙難及成墳此定佳實蒙猶子視  
如切二人懷宿莽淚多溼長號風不霾  
雪堂燈火語頭白悔相乖

丹徒阻戔

山脈渠中鑿船聲驛外停高燈依岸悄  
短枕待潮醒偃塞南

徐勝開張北固形繡旗翻曉翠坐覺萬方寧

聞詩張賊已平于臨清

### 過淮安

河曲三更沓風傳一刻饒淮幾下昏  
秋若燒蕭條荷

聖鴻加郵維神亟靖囂揚帆欲東下  
先問海門潮

### 用驛壁詩韻二首

驛有青溪女子張雲甲午十月廿一日隨元和舍人北上題壁二絕句

花未春時月過秋馬蹄淮上數  
前遊莽然塵土蕭然鬢又

是家山別秀州

二分明月在邗溝送到鍾吾古驛頭  
楊柳秦淮霜落後不知

西北有高樓

### 羊流店

晉亦曹之賊吳非漢所臣江山偏疆界  
戰鬪苦民人我欲瞻

先墓公猶作里神百年陵谷意相感詎無因

宿崔家莊

泰岱雲歸晚，徂徠雪積晴。高原微月照，大路有人行。屋冷音聲遠，燈孤意緒生。兆豐齊與魯，盈尺幾州城。

望岱

廣原突起不峻嶒，全體巍然自廓澄。孔子未云天下小，我皇復以聖人脊。性之善者斯爲準，春若生時物可憑。刻露精神飛雪後，溟濛渤澥旭光昇。

雪

雲陰濟南北，迢遞過河間。大雪日催日，太行山隱山。民天端此繫。

聖澤夙多頒，迴語安耕鑿。嗟嗟罔作姦。

次韻馮大司寇喜雪見簡

梅花如見莫相嗤  
亭角禁寒兩袖披  
乍別江南無好夢  
忽傳城北有新詩  
輕蹄下直脩衢靜  
矮幅生春凍墨歆  
四憶齋前風灑急  
明燈殊悵不同之

乙未

試燈日 圓明園接 寶恭紀

于郊盛

祈穀 行寶遂賚 園職在趨先夕情欣及上元前湖啟扉

曙 正殿簇燈溫樂奏臨 天仗來朝宴外藩

觀王文簡公所題馬士英畫二首

山遶長江柳帶烟  
柳疎江冷暮秋前  
太行西去官齋興  
乙酉

金陵十五年

書於辛未其為山西副使時

王師南下不多年  
司理揚州句為傳  
落盡春燈飛却燕  
江山

如畫畫依然

馮大司寇以二月三日雪用喜雪韻見簡疊韻以  
答

牽率雕章性所嗤書帷無奈爲君披清寒入骨春來雪老豔  
驚人病起詩爐畔藥香瓊坐寂簷陰梅白杖扶欹城南早待  
晴光出一盞新醪欲見之

苑南過馮大司寇草堂猶未下直

幾度雪吟盡伊人春病瘳草光馬前薄花意淀中稠玉佩風  
相引金門露已收寧知恹孤坐更不傍岑樓

問村杏

溪流尋不見况乃好花枝茅屋幾家舊綠楊三月遲夢迴年  
是夜春去鬢空絲行帳難摹似相思點破脂

遶山行

舒舒春動氣晶晶  
午照原適經古墟  
落獨坐老樹根  
前者已催騎後來  
亦停轅盤山踰一  
舍纖月未黃昏

恭和

御製三月四日詣暢春園恭問

皇太后安遂啟蹕往盤山因成是什元韻

纔過上巳朝晨

省喜

春饒既望

陳旋蹕于東令發軔  
土膏先以諭花信  
未之要羽衛風多暖  
田盤翠不遙

恭和

御製駐蹕湯山行宮作疊壬辰韻元韻

近苑留清邃疎窗愜靜便春經布穀雨山有藏砂泉重以  
三年涖深于又日詮園中盛喬木耆老指欣然

恭和

御製敦素齋元韻

家法相承惟樸素自然萬寓菁華露

行殿當年受

祖恩

聖人此日思

天顧巍巍至治洵難名翼翼小心惟

永慕儉而益慎懷所圖動則惟時善於慮

恭和

御製清明元韻

薊北俗忌清明風江南人喜清明雨宜風宜雨古猶今要在  
田功適無阻蓮花嶺西是日晴風從東來動

天語雨師風伯敬聽之灑道清塵何不可叶盤頂無雲山木  
春盤凹不雨村雞午但令溫煦遍芳菲無使顛吹過百五

御製詩注俗諺有清明風拂地頭  
土無傾連連四十五謂其日長也等閒采諺闢耕農惟有

聖心知樂苦

恭和

御製題延春堂元韻

貞荷茂對叶其旋花早花遲穀雨天城裏春淺元似海山

中日靜大千年循堦泉響苔紋古蓋院松陰鶴羽鮮此際

書堂多野趣西峯明月又招延



恭和

御製引勝軒疊壬辰詩韻元韻

選勝萃於斯山靈亦惟允疊處短如屏叢中長若筍土與石  
相扶石與松相準肖來澗東西得水更無盡高牕娛靜覽  
雲翠風徐引

奉

勅賦得燈右觀書

得風字五言八韻

繼若蘭膏置流觀竹簡道光應如日出勢只向春融短袂宜  
緗帙乍塔近玉蟲背牕分研北銜壁佐河東照勝青藜後銘  
將座右同帷垂自南而螢閃或西風惟

聖三陽德猶勤四庫功

書堂晚來月恰射寶釭紅

御製題  
延春堂詩首

句自書堂後  
此頌周旋

檀藥草堂海棠花歌

年年看花花不老主人詩好花亦好花總新年勝舊年客如  
春暮非春早一杯先起花根澆花根酒卽通花梢座中白髮  
不我獨相憐相惜花枝交塞空春氣雨宵下屢屋春陰露朝  
灑薊北常逢勸醉辰江南豈有思歸者高枝叢搖蓓蕾殷低  
枝艷拂莓苔斑草堂三間半花影橫枝已過堂中間闌干迴  
立遮無幔花非能言吾欲喚倩誰畫出碧雞坊與子吟成紅  
錦段蕭蕭寥寥風起耶東家蝴蝶飛西家美人美人日之夕  
芳草芳草天之涯馬蹄香上催難歇我亦何心輒拗花

瘦石齋詩集卷三十六

蘅石齋詩集卷第三十七

秀水 錢 載 坤

恭和

御製恭奉

皇太后幸避暑山莊是日啟程卽事成什元韻

歲承

祖澤侍

慈闈臺榭高明禮弗違

萬壽無疆惟養

志

一人有慶在崇

徽淳風蓋仿堯階土 文德如關孟氏機律應麩賓時雨降

不遑暇逸兆先幾

恭和

御製出古北口作元韻

潮河入口聲逾暢亭障連峯蹟尚貽在德豈憑天下險安邊

猶切

聖人思臨洮起塞終何益永樂淪疆更可嗤極北諸藩今奉

朔一家中外往來斯

恭和

御製將軍阿桂奏報攻克遜克爾宗詩以誌事元韻

蟻穴勒圍之外險遜克爾宗在必克榮噶爾博之山陽第七

峯後今始得去冬先得默格爾穴偏猶嬰如蟻賊噶爾丹寺

噶朗噶今夏克之賊奔匿去蟻之穴僅數里

王師同心一準尺遜克爾宗出我後不取虞爲腹背敵五月  
戊午奪了口接時分攻聯兩翼諸將前攻實攻後副將軍豐  
戰尤力霧中轟礮致賊懈火中斫寨追賊北直古腦進竹斯  
破兩金川平石且刻配

廟元勲果毅公元孫延賞 恩超額國之喬木惟世臣家之

駿烈惟世德

副將軍豐昇額爲開國元臣額宜都之元孫世爵襲封果毅公是役副將軍之功居多衆

上特恩於公號果毅之下增繼勇二字以旌其能

恭和

御製雨中至喀喇河屯元韻

安穩 金輿從翠旌微涼微暖到程程昨應請雨卽甘雨今

勿祈晴俄快晴列嶂四周城勢拱清灤一道練光橫濕衣羅

拜諸藩迎繡織還叨 澗澤行

恭和

御製至避暑山莊卽事得句元韻

萬年

祖澤構仙阿福地清涼真可過 道本重光時極盛

聖齊一揆化無訛蓮風柳露分丹沼桂殿松樓出翠螺敬奉  
慈顏承至樂南陔瑞獻紫芝多

恭和

御製經畚書屋元韻

巖如方罫對嶙峋取譬新田

聖契因一畝宮先儒者業百川學啟道之津鄭箋孔傳苗芟

莠義種仁收富賚貧四十年來勤 述作用康

社稷與民人

題瑤華道人所藏王翬畫十二首

瑤華道人為諸孫名其軒職在

仁廟御前

能詩畫書 上加

思王後爵以貝子

石谷自構萬壑松風  
百難度流水

高翠且潏環平流却亂落覆以松陰森相答笙鏞作厓邊獨  
坐人夫豈曰無著

仿燕文貴武夷登嶂

灘光數漁晚瀑響重溪潏碧浸崖峭垠青斷雲烟林幾疊一  
曲轉九曲千擘陰幔亭是何處中有瑤華音

仿文待詔臨廬鴻草堂

草堂鴻自畫亦復自題堪茲景出吳鄉蓋已非終南墨竹夾  
葉椿絲柳蚪松參大石立楸欄北林枯兩三籬陰蘚夾蹊堂  
陽欄俯澗其東一角天更以抹遠嵐

石谷自構天際欲雲山盡出  
江流收漲水初平



松如黃鶴山如北苑山疎林一村屋孰得居其間小橋不入郭遠江自通灣半幅江上帆行行殊未還

仿謝雪村霜林茅屋

石間灘層層階下荷田田遶屋竹有雲出竹山無烟水南石嵌空巖西杉鬱然若非絳葉明豈謂新霜天屋中緼袍人嘯歌聲不傳

仿趙文敏潑柳讀書堂

借作吳村寫畧得輞川趣沉沉洲渚分段段菰菱附綠楊柳四遭亦不皆楊樹耕漁兩相隣于焉托儒素讀書非一朝讀書非一暮綠楊知此情何不引鷗鷺

仿巨然寒林蕭寺

皴染出大山層叠分明見上下近遠間林疎葉齊變獨彼青

杉青巖凹擁樓殿後峯淡淡生前徑微微轉山根聚有溪溪  
口橫復江江光動寒光六月在我牕

仿黃大癡

塞山碧於染暑雨溼初洗道人設見之秘奧鏘先啟赭綠展  
吳岫天池石壁東並船青簞漁五月黃梅風

仿范華原

嶺頭又高嶺白雲橫斷之前嶺冠精藍樹不叢叢衰左右灘  
急奔東西梁迴跨淼淼見遠洲天際雙帆下

仿徐幼文溪亭野趣

雜樹十數株中間一亭築坡草披纖纖水草漲簇簇畫楫時  
哉晴囊琴步者獨不知北郭誰自縱前溪目我家詎無溪松  
杉蔭栢竹我溪雖無亭蘭芷遶荷鞠白髮戀

君恩初衣緘在麓難爲多文富實恥有道穀

仿趙文敏鵲華秋色

碯山青如何迢遞華不注曠前村壤開曲內溪沙度蹠羣閒  
放場網影深懸樹都來楓柳顏半是蒹葭露

仿沈啟南摹李營邱雪圖

營邱北苑蹟頗貯有竹莊雪圖豈誠似大較規荒涼連峯巉  
巖白一塢窈窕光枯林出高寺乃見紅夕陽寺後沙村遙寒  
氣濛濛長進艇訪詩人野梅深處香

熱河感舊二首

爲將公湖山公壽介公福作

繚垣西麓有山隈廿七年前住不才葛氏堂新尚書賃將公槐

陰馬並侍郎來嵩公介公因緣豈料師門厠鑒識多煩國士培介公

爲順天鄉試副考官嵩公爲會試副總裁官將公爲殿試讀卷官

躑躅而今尋此跡天教老淚滴荒苔

藜光橋畔第西東

游文格公居文蔚之別第  
嵩少宗伯公典半宅以居

燈市南頭闕闕同

介少宗伯公  
為元房之

孫楷居  
舊邸

促促八年成逝水明明千古溯流風

乙亥嵩公卒已將公皆薨于  
位壬午介公扈 歸江南於

舟次

那知出塞然孤燭更覺當杯見數公昨夜雨涼前夜月輓

轡井轉不匆匆

燕公以大學士薨  
謚文恪癸丑補注

### 和崔大司寇應階種花三首

塞草開花上擔鮮翠英朱顥也論錢畧知名字聊相賞暫入

堦除信有緣越女茶藤愁殢雪宛駒苜蓿快騰烟情隨地轉

何常定吟過灤陽又一篇

一鋤鴉背任攜將但勿分畦更列行客院先秋蟲托蔭隣街

過午蝶尋香千峯驟雨重添架八月還京未著霜鄭重折枝

憑寫去結根原自傍

仙莊為寫墨  
花一幅

尚書年今七十七隨

輦樂極康強身

禁中騎馬紀恩好

塞上種花發與新晏子市器屋且大武昌魚食家仍貧蟹肥  
酒醞訪籬菊歸喚霜顛三四人

于相國招集行館

南近莊門沙路分峯陰屋敞許微醺益荷大葉全勝露籬  
豆疎花儘帶雲內直心勞歸每晚元臣齒宿學加勤尚煩  
禮數燈前出始覺清言塞上聞

山齋二首

塞雨時逢半日晴月宵曾放十分明車箱入水河深淺履齒  
衝泥路直橫牆上蝶衣今午出天邊山黛此牕生雜花細瑣  
紅黃紫太向癯顏點綴成

宛宛山莊右幹山灤河口送疊而環市廛西聚皆形勝龍  
虎東連不等閒半宅坡高開石麓雙扉巷小轉沙灣遠遊舊

記興州北近侍今依豹尾班

曹少宰秀先招集行館

金城下直鞞絲鞭紫塞初晴展幕天文酒敦槃饒一度江山  
吳楚後諸賢恒言喻道蒙相假晚遇酬恩媿未然籬蔓著花  
黃吐瓊及時顏色總新鮮

七月朔日邀曹少宰秀先申副憲甫過山齋爲同  
徵小集賦詩六首

帝京華髮賸三人紫塞青山話昔因四十年難光此典國  
家恩各被於身龍頭合讓叨同壽鼎足休誇戒外親麗正  
門西連雨霽荷香柳影屬佳辰

舊會分明未渺茫綠榆陰薄紫藤長率先相國劉文定歡洽  
南城錫壽堂酒罷燈闌十年瞥心知目數兩人傷

甲中之會少宰以期服不至是

日會者惟副  
憲及載在

由來倫紀關皆重憑仗詩篇志不忘

賦詩

殿裏蠟花開五夜初寒玉漏催吉士南宮先已達少

被薦後元年丙辰成進士入翰林是秋

臨試天下所薦士有

青免試

布衣西浙後方來

副憲籍江南以布衣丙辰六月舉于浙江同

御試保

和殿給官燭今叨恩  
從者惟副憲及載

還山苦學貧仍守出塞長吟念未灰

天語每承嗟晚遇

昨者蒙 恩召見惜載之選中進  
士兼奏及被薦

今朝猶得廁高才

兩公扈

蹕歲聯班賤子追隨此度關

輦下屢盟嘗不踐尊前非夢

又何慳桓溫種柳偏經落韓愈為雲亦在閒旌節馳驅賢者

分豈論暮齒少離顏

離合升沉日月梭當年小錄俊英多卿雲纓纓須公等荒草

茫茫奈若何老不窮經吾澳忍

泰答少宰詩先成君  
天隨處報窮經之句

遠如求友兩婆

娑也知光岳承

嘉運定復英靈起大科

王尚書有指南傳玉海工夫獨欠先碩果今推江左右  
自負浙山川百杯爛漫豐干舌三伏陰涼子敬瓊來日  
宮門笑相見興州之樂竟前緣

和曹少宰七月三日招同申副憲爲同徵二集用

王摩詰贈祖三詠韻

瀛洲式先進旣揖乃升除流連佳日再花藥野人如參坐不  
知久清言瀾近道天邊哉生月露下同心草同心卽同居皆  
出古北關門連武列水窓分木蘭山莊東左幹之山來自木蘭南至梁河而止豈非尊  
酒顏良爲輶車展所欣扈從陪不使襟懷淺自今信多暇好  
會無前期月缺亦相見月圓亦相思

恭和

御製題文津閣元韻



親勸羣書盡寫之閣藏

勅仿浙東爲 帝京有二 山莊一博學難名貫道時厲摺

人來飽葉晚江湖岸遠瓠樽知況從

聖祖開清境天地文應會在茲

恭和

御製趣亭元韻

聚書藏書得佳趣趣以名亭閣邊峙其西則山東則臺碧樹

扶疎石岷岫峯陰轉壑壑隨淵淵響落池池益泚收將大段

天一范兼取小齋京口米亭中書趣勝琴趣有絃何必無絃

矣

聖心妙趣與人同讀書之世胥樂此

恭和

御製月臺元韻

月生于西臺則東西山碧色長不老山凹月上臺皎然似照  
圓明園石好石好恰直 文源閣一峯八十一穴巧臺西月  
又臺西山乃見 文津勝非少宛在中央桂樹生臨高臺以  
得涼早臺端

奎藻方迥題閣裏芸編正浚討

恭和

御製過河詣溥仁寺瞻禮元韻

聖祖恩留題古寺我

皇歲至仰高懸如春世繼三陽泰不息 心涵四德乾岸則  
先登松茂矣雨其大悅物生焉溥仁兩字參真諦 醲化無  
言本自然

恭和

御製山莊卽事元韻

仙壑高居遠壑尋碧天晴雨

紫宸心百年

祖澤松雲切萬國民依稼穡淡左右林巒隨點筆清涼臺榭  
稱披襟灑河衆水環京下雁塞羣峯擁  
座臨

恭和

御製出麗正門恭迎

皇太后至避暑山莊喜而成什元韻

雨師並塞早淋漓梁道安行坦拄撐

慈壽萬年多介祉

聖皇百歲自呼兒嘉辰 仗泣

光儀式 內苑

輿扶笑樂之

至孝在心難繪寫微臣踰讀得浚知

恭和

御製靜寄山房二詠 謹序

御製序曰月色江聲為避暑山莊三十六景之一其中堂扁

曰靜寄山房

皇祖御篆也敬成二律以志景仰臣載謹述

紫塞初更上青霄萬里空 山房于以敞月色本來融高下

金生碧樹藥翠濕紅豈惟明作德皆是靜為功

睿照

前光迪端臨至化冲洞天三十六真與廣寒同

右月色六韻

武列趨常駛灤河挾以流風廻江浩浩月上夜悠悠更覺  
山房靜并將天籟收巴人穿峽矣越岸長湖不一室清于耳  
三更朗在眸  
紹聞思所寄常勝玉徽留

右江聲六韻

馮大司寇裝家文敏公奉貽詩蹟卷自京寄塞上  
屬題感成一百六十字

客座酒初行塞山青未暮人來獨涼然忽展公詩故公詩奉  
知音知音實知心篋尋一紙少囊囊千秋潑江南水不歸蒨  
北霜被野舊邸大依人高墳石成馬三年且三年邊問汗竹

辰况于身後文豈若在世身前軒綠桑遮後院紫藤落此地  
若過時思公不可作廻颿自江右訪家入常州遺書塵在榻  
照晚庭經秋古往復今來惟人安所寄遂令淡泊遭每有纏  
絲意我詩亦無詩敢望知音知夜闌只自讀聲遶灤河涯

再題四絕句

城西寒夜昔盟曾同姓詩還爾雅徵十卷已蒙 三殿進廿

年不改七哥稱載行七戊辰王閣之會公呼載七哥壬申 殿試公為讀卷官載卷 進呈禮當師生見公以同姓義仍呼七哥

匆匆遂了一生因畫裏江山愛富春懊惱梅花三丈竹延陵

季子又何人載於土地廟得王奉常臨富春大壻圖長卷董文敏陳仲醇跋公愛之遂屬去時方畫山水猶未道 內廷也後載居南城與公鄰相近數借

載吳仲圭墨竹譜長卷有欲並一七而居之詩

何事連篇詠挂蘭前身莫作後身看可哀信有人間曲遊戲

歸來只一般卷中詠挂蘭法云一名風蘭葉似青蒲根不著土以髮纏之懸于檐際三四月間花詩云懸齋偶然同姓氏羅生雄與門門楣以其髮纏而花

稍括容粉然已離塵獨上矣至于寧隨斷梗悲同  
病偶托高門作寄生豈公之中道自有前因乎

風雨毘陵夢去遲開先謝早幾花枝如何白髮明燈裏獨向

平生欠輓詞

公計至京師載為位子法源寺東窳腹豪有詩既而思不能錄莊仲  
淳學士與公中表又甲戌摠裁所取士與公先後狀頭預士閣之會成  
寅督學副中已卯居父癯端而役裁  
選自粵西在道聞之有詩亦未錄藁

七月十日申副憲攜酒山齋邀曹少宰為同徵三

集少宰詩又先成輒同其體四首

宿飲纔趨直分班已送篇 恩深

今上日事久

憲皇年

三詔風雲萃初元禮樂宣無才雖不錄此會尚當傳

筮仕何先後同承

主上恩身名場戶起薦辟史家論白髮愁鉛槧金坡黍鷺鴛

門間他日倚就道詎能諉

丙辰恩詔北上先大夫送之河子先夫人送之中堂東櫺日載出門

豐齋凋羣彥乾坤駐兩丸漸來

京輦寡皆在塞垣難芳草

薄言采明河今夕闌一尊相暱就知子勸加餐

恰許三人從常成一日閒不煩邀李白何啻笑廬山地近蓬

萊上才非伯仲間他年許榘提挈以俱還

奉答少宰倚遇青泥橋同養真六年之句是日

談西江道遙山之勝

### 勿藥篇寄馮大司寇

五旬闕相訪一札遠見投雖傳暑病已難遣客思休前此既

強起棠花紅未稠今來又平復桐葉翠欲流半年得兩病百

歲成千愁豈其不自攝豈其不自由小雨行滑道詩則城南

儁明月坐移央山則郊西樓習靜底須言寓意那必留莊生

之木雞佛者之牯牛噫嘻吾過矣放浪君無尤自公公事了



當職職業脩惟敬其可吉惟安其可偷勿藥輒有喜若藥或不  
 瘳饋藥謝康子采藥無瀛洲藥囊布漫緝藥竈薪頻抽折  
 肱乏善技蓄艾徒良謀身以心為主心與天為游寒涼昨更  
 霽官閒力頗周曉直宮門淡晚歸民舍幽賴君親串好致  
 我居停優北窗樹金護前榮種石榴扇紈白在手峯黛青迎  
 眸益空市先糴甕臥隣已芻酣眠竟無夢飽食況有秋二豎  
 語三尸去去何所求

謝曹少宰餉鮑魚

灤河去此三十里健鯽分來尺半長鯽子美詩尺半健鯽細中晚荷葉蓋盆聲  
 撥刺松枝吹竈色匆忙明公腹疾若齋禁賤子朝饑非渴羌  
 叔鮪王鱸憑得計塞天兩月始鮮嘗  
 賜清音閣觀劇恭紀十首

碧檻紅樓

御榻安東西廂敞藉羣官高高面北三層閣閣下笙簫按鳳鸞

盆花左右列中庭蕙箭榴房間素馨朝雨絲絲簾額灑檀槽聲趣最瓏玲

三陳

玉食卽分頒盤炙甌香次第間內苑晚晴勝早暖微臣白髮也丹顏

章奏

親批膳後仍軍機晚對玉階承分明韶濩雲山際半日中間暇未曾

魚龍曼衍不妨工覽古猶關一曲中花石船頭朱勔坐汴梁

城外水門東

金家初旺宋家柔不與遼家作好仇岳頂賞花纔幾日鳳凰

山翠見杭州

周密廻思志癸辛貫雲石又稗官申人間散去遺聞鑿天上

收來法曲陳

齊天

聖壽月初開蒙古諸王續續來並懇行闈隨雁磧先教入坐

侍瓊臺

十日爲期後接前齋期停樂

聖心虔涼風卽次留襟佩珪月從容待管絃

御書每日午牌成內監鋪將照地明 聖處工夫寸陰惜水

淙山響自歌聲

南天門用己巳過此韻

曉月沈西大初陽拍海紅環京千障負鑿石一巔通天地長  
歌外關山小夢中書生曾策蹇淚不落秋風

蘇石齋詩集卷第三十七